

**CYNGOR CYMUNED LLANDDYFNAN**  
**COFNODION Y CYFARFOD A GYNHALIWDYD NOS FAWRTH**  
**15 Chwefror 2022, Trwy Zoom**  
**am 7:00 y.h.**

<b>YN BRESENNOL:</b>	
Cyng W Vaughan, A Williams, C McGregor, G D Williams, A Wyn, E S Williams, A C Jones, C Jones, D Rees (Cyngor Sir), G Owen (Clerc).	
<b>YMDDIHEURIADAU:</b>	
Cyng D Pritchard, D Roberts, W Williams	
<b>1</b>	Cadeirwyd y cyfarfod gan yr Is-Gadeirydd Cyng W Vaughan.
<b>2</b>	<b>DATGAN DIDDORDEB</b> – Dim
<b>3</b>	<b>DERBYN COFNODION</b> Cyflwynwyd cofnodion cyfarfod 18.01.22. Fe'u derbyniwyd fel rhai cywir a chyflawn. Cyng C McGregor yn cynnig a Cyng W Vaughan yn eilio.
<b>4</b>	<b>MATERION YN CODI O'R COFNODION</b>
<b>4.1</b>	<b>Cydgodfan Bws, Talwrn</b> – Yn anffodus, nid yw'r cwmni lloches wedi cyflwyno'r cais gwaith stryd mewn pryd, nac wedi rhoi digon o amser i'r Clerc archebu goleuadau traffig. Bydd y Clerc yn cysylltu â'r cwmni i drefnu dyddiad arall.
<b>4.2</b>	<b>Damweiniau Sgwar Talwrn</b> – Ymateb y Cyngor Sir: <i>"Nid yw'r gwaith o osod y chevron wedi ei gwblhau eto. Y bwrid gwreiddiol oedd gwneud cais am arian grant i Lywodraeth Cymru i wella diogelwch ar y B5109 fyddai wedi cynnwys ystyriaeth gwelliannau i arwyddion a hefyd yr opsiwn i edrych ar arwyddion fflachio os yw cerbydau yn gôr yrru wrth ddod tuag at groesffordd Talwrn. Yn anffodus nid yw'r Llywodraeth wedi gwneud cynnig i awdurdodau lleol wneud cais am arian am gynlluniau diogelwch y ffyrdd newydd ar gyfer 2022/23 gan fod y ffynhonnell yma o arian yn cael ei ail gyfeirio ar y cynllun o leihau cyflymder o 30mya i 20mya mewn ardaloedd preswyl. Gan nad oes ffynhonnell arian grant ar gael bydd y chevron yn cael ei osod o'r gan ddefnyddio cyllideb gwelliannau traffig y Cyngor Sir ar gyfer 2022/23 fydd ar gael o Ebrill ymlaen"</i>
Llofnod.....Cadeirydd	
15.03.22	

	<p>Cytunwyd y byddai'r Cyngor Cymuned yn prynu goleuadau terfyn cyflymder sy'n fflachio. Cynhyrchodd y Clerc ddau amcangyfrif yn y cyfarfod a bydd yn awr yn gofyn am ddyfynbris ffurfiol.</p>
<b>4.3</b>	<p><b>Dwr ar lôn Benllech – Llanddyfnan</b> – Bydd y gwaith hwn yn cael ei wneud yn y flwyddyn ariannol newydd</p>
<b>4.4</b>	<p><b>Carthffosiaeth Talwrn</b> – Ymateb Dwr Cymru:  <i>“Mae gwaith wedi cael ei wneud ar system carffosaieth sydd yn rhedeg yn cau wrth yr pumping station.  Does dim problem wedi cael ei godi ar ol y gwaith.  Mae gwaith CCTV wedi cael ei godi , mae darn bach heb ei orffen ond dim problemau wedi cael ei godi”</i></p> <p>Ymateb Cyfoeth Naturiol Cymru:  <i>“Dwi newydd siarad efo Gareth Williams y pollution technician efo Dwr Cymru, ac mae o am checkio cwpl o bethau a dod yn ol ataf.  Dwi'n deall fod yna waith wedi ei wneud i ail selio y manhole yng ngae Mr Williams. Roedd y gwaith yn cynnwys concrio o gwmpas y tu allan i'r siambr o be oeddwn i'n ddeall. Dwi'n deall fod hyn yn golygu fod y manhole wedi ei selio rwan, sy'n gorfodi yr holl ddwr i fynd yn ei flaen i'r orsaf bwmpio. Cyn y gwaith yma mi oedd yna ddwr yn llwyddo i ddianc yn ystod tywydd gwlyb iawn. Deallaf na fu yna broblem ym mis Hydref yn ystod tywydd gwlyb iawn. Roedd hyn yn cael ei gysidro fel llwyddiant.  Roedd Gareth am checkio os oedd yna fwy o waith CCTV i'w wneud, ac os oedd yna unrhyw waith pellach yn cael ei gynllunio yn y pentref, a'i peidio.  Mi ddof yn ol atoch os clywaf rhywbeth pellach”</i></p> <p>Dyweddodd y Cyng E Williams fod yr orsaf bwmpio yn pwmpio allan i ffosydd yn y cae. Does neb yn cwyno am y cae nesaf gan ei fod wedi gordyfu a heb ei ddefnyddio - mae'r gorlif hwn yn mynd i'r afon. Bydd y Clerc yn cyfeirio hyn at Dwr Cymru a Chyfoeth Naturiol Cymru.</p>
<b>4.5</b>	<p><b>Mynwent Llanddyfnan (tap)</b> - Mae'r Clerc wedi siarad gyda Rhys Crewdson eto ac mae wedi cynnig cyflenwi a gosod tap yn rhad ac am ddim</p>
<b>4.6</b>	<p><b>Gor-yrru Maenaddwyn</b> – Ymateb y Cyngor Sir: <i>“Gallaf gadarnhau bod arolwg cyflymder bellach wedi'i gwblhau ym Maenaddwyn. Cofrestrodd yr arolwg gyflymder pob cerbyd oedd yn mynd heibio 24 awr y dydd am gyfnod o saith diwrnod.</i></p> <p>Llofnod.....Cadeirydd <span style="float: right;">15.03.22</span></p>

	<p><i>Roedd canlyniadau'r arolwg yn dangos cyflymder cyfartalog o 30mya, ac ni chofnodwyd un digwyddiad o yrru dros y terfyn cyflymder.</i></p> <p><i>Os oes gennych unrhyw gwestiynau pellach am ganlyniadau'r arolwg hwn, mae croeso i chi gysylltu â mi"</i></p> <p>Cytunwyd i dynnu'r eitem oddi ar yr agenda</p>
<b>4.7</b>	<b>Gor-yrru/Ildio Talwrn</b> - Nid yw'r Clerc eto wedi derbyn ymateb gan y Cyngor Sir
<b>5</b>	<b>GOHEBIAETH CYNGOR YNYS MON</b>
	<b>Priffyrdd</b>
<b>5.1</b>	Sgwar Talwrn – gweler 4.2
	<b>Cynllunio</b>
<b>5.2</b>	FPL/2022/29 Llain Sior, Maenaddwyn – dim sylwadau
<b>5.3</b>	FPL/2022/17 Ty Gwyn, Llangwyllog – cefnogi y cais
	<b>GOHEBIAETH YCHWANEGOL</b>
<b>6.1</b>	Cyfoeth Naturiol Cymru – gweler 4.4
<b>6.2</b>	Yr Heddlu - Mae'r Heddlu wedi ymateb gan ddweud eu bod yn hapus i fynychu ein cyfarfodydd ond nad ydynt yn gwneud "Zoom", dim ond "Teams". Bydd y Cyng Dylan Rees yn codi'r mater gyda'r Heddlu
<b>6.3</b>	Dwr Cymru – gweler 4.4
<b>7</b>	<b>MATERION ARIANNOL</b>
	Dim
<b>8</b>	<b>MATERION ERAILL</b>
<b>8.1</b>	Dosbarthwyr bagiau cwn. Oherwydd bod y Clerc wedi symud i ffwrdd o'r ardal, cynigiodd y Cyng Arfon Wyn ail-lenwi'r bagiau ym maes parcio Llyn Cefni a gwirfoddolodd y Cyng W Vaughan ac E Williams i lenwi peiriannau Talwrn. Bydd y Clerc yn trefnu i gwrdd â nhw i drosglwyddo allweddi a chyflenwadau o fagiau.
<b>8.2</b>	Tyfiant Maes y Coed – Bodlondeb - Mae gwrychoedd yn tyfu dros y palmentydd. Bydd y Clerc yn cyfeirio'r mater at y Cyngor Sir
<b>8.3</b>	Adolygu llwybrau cyhoeddus – Cynigiodd y Cyng. Eilian Williams gerdded y llwybrau a bydd yn hysbysu'r Clerc pa rai sydd angen sylw. Bydd y Clerc yn anfon cynllun o'r llwybrau ato.
	Llofnod.....Cadeirydd
	15.03.22

<b>8.4</b>	Gwahoddiad I PCSO I'r cyfarfod nesaf – gweler 6.2
<b>8.5</b>	Lamp stryd Talwrn rhif 6D ddim yn gweithio – mae'r Clerc wedi cyfeirio y mater at y Cyngor Sir
<b>8.6</b>	Biniau halen yn ardal Talwrn angen ei llenwi - mae'r Clerc wedi cyfeirio y mater at y Cyngor Sir
<b>8.7</b>	Contract torri gwair 2022 – Mae y Clerc wedi derbyn un cais gan Rhys Williams - £1095. Cytunwyd i dderbyn y dyfynbris am gontract 1 flwyddyn
<b>8.8</b>	Cynigodd y Cyng A Wyn ddiolch i'r Cyngor Sir am osod arwyddion ffyrdd yn Llangwyllog
<b>9</b>	<b>MATERION AR GYFER YR AGENDA NESAF</b>
<b>9.1</b>	Llwybrau cyhoeddus
<b>9.2</b>	Enwau lleoedd Cymraeg
	Llofnod.....Cadeirydd
	15.03.22